


神農本草經(二)  
石藥爾雅



神農本草經卷三

下經

下藥一百二十五種爲左使。主治病以應地。多毒不可久服。欲除寒熱邪氣。破積聚。愈疾者。本下經。

石灰。

礬石。

鉛丹。

粉錫。錫鏡鼻。

戎鹽。大鹽。鹵鹽。

白堊。

冬灰。

青琅玕。

右玉。石。一十二種。八。

附子。

烏頭。

天雄。

半夏。

虎掌。

鳶尾。

大黃。

亭歷。

桔梗。

葇蕩子。

草蒿。

旋覆花。

藜蘆。

鉤吻。

射干。

蛇合。

恆山。

蜀漆。

甘遂。

白斂。

青葙子。

覆齒。

白及。

大戟。

澤漆。

茵芋。

貫衆。

蕤華。

牙子。

羊躑躅。

商陸。

羊蹄。

薦蓄。

狼毒。

白頭翁。

鬼臼。

羊桃。

女青。

連翹。

閻茹。

烏韭。

鹿藿。

蚤休。

石長生。

陸英。

薰草。

牛蒡。

夏枯草。

芫華。右草。舊。下品。四十八種。

巴豆。

蜀朮。

阜茨。

柳華。

棟實。

郁李仁。

莽草。

雷丸。

桐葉。

梓白皮。

石南。

黃環。

凌疏。

鼠李。

藥實根。

欒華。

蔓菁。右。木。下品。一十八種。

六畜毛蹄甲。右獸。舊。下品。四種。

豚卵。

麋脂。

蠃鼠。

蝦蟇。

馬刀。

蛇蛻。

邱蚓。

蟻蛻。

吳蚣。

水蛭。

班黃。

貝子。

石蠶。

省蠶。

蜚蠊。

螻蛄。

馬陸。

地膽。

鼠婦。

熒火。

衣魚。

伏翼。右蟲。舊。下品。一十八種。

桃核仁。

杏核仁。右。木。下品。二種。

腐婢。右米。舊。同。

苦瓠。

水斬。右菜。舊。同。下品。二種。

彼子。右一種。未詳。

序例白字。

佚文。

附吳普本草。

石灰、味辛溫。主疽瘍疥搔熱氣、惡創癩疾、死肌、墮眉、殺痔蟲、去黑子、息肉、一名惡疔、生山谷。

名醫曰：一名希疔、生中山。

按惡灰、疑當爲墜灰。希、石聲之緩急。

礬石、味辛大熱、主寒熱、鼠瘻、蝕創、死肌、風痺、腹中堅、一名青分石、一名立制石、一名固羊石。御覽引云：殺百

獸·大觀本 作黑字·出山谷。

吳普曰：白礬石一名鼠鄉、神農岐伯辛有毒、桐君有毒、黃帝甘有毒、李氏云或生魏興、或生少室、十二

月採名食鹽。御覽引云：一名太白·一名澤乳·一

名醫曰：一名白礬石、一名太白石、一名澤乳、一名食鹽、生漢中及少室、采無時。

案說文云：礬、毒石也。出漢中、西山經云：皋塗之山有白石焉、其名曰礬、可以毒鼠。范子計然云：礬石出

漢中、色白者善。淮南子地形訓云：白天九百歲生白礬、高誘云：白礬、礬石也。又說林訓云：人食礬石而

死、蠶食之而肥。高誘云：礬石出陰山、一曰能殺鼠。案西山經云：毒鼠、卽治鼠瘻也。

鉛丹、味辛微寒、主土逆胃反、驚癩癩疾、除熱下氣、鍊化還成九光、久服通神明。御覽引作吐下·生平澤

名醫曰：一名鉛華、生蜀郡。

案說文云鉛青金也陶宏景云卽今熬鉛所作黃丹也。

粉錫味辛寒主伏尸毒螫殺三蟲一名解錫錫鏡鼻主女子血閉癥瘕伏腸絕孕生山谷舊作二種今并。

名醫曰生桂陽。

案說文云錫銀鉛之閒也。

代赭味苦寒主鬼注賊風蠱毒殺精物惡鬼腹中毒邪氣女子赤沃漏下一名須丸生山谷。

名醫曰一名血師生齊國赤紅青色如雞冠有澤染爪甲不渝者良采無時。

案說文云赭赤土也北山經云少陽之山其中多美赭管子地數篇云山上有赭者其下有鐵范子計

然云石赭出齊郡赤色者善蜀赭出蜀郡據元和郡縣志云少陽山在交城縣其地近代也。

戎鹽主明目目痛益氣堅肌骨去毒蠱大鹽令人吐御覽引云主腸胃結熱。鹵鹽味苦寒主大熱消渴

狂煩除邪及下蠱毒柔肌膚石御覽引云一名寒。生池澤舊作三種。

名醫曰戎鹽一名胡鹽生胡鹽山及西羌北地酒泉福祿城東南角北海青南海赤十月采大鹽生邯

鄆又河東鹵鹽生河東鹽池。

案說文云鹽鹹也古者宿沙初作煮海鹽鹵西方鹹地也從西省象鹽形安定有鹵縣東方謂之斥西

方謂之鹵鹽河東鹽池袤五十一里廣七里周百十六里北山經云景山南望鹽販之澤郭璞云卽解

縣鹽池也今在河東猗氏縣案在山西安邑運城。

白堊、味苦溫。主女子寒熱癥瘕。目閉。積聚。生山谷。

吳普曰：白堊一名白鱗。一切經音義

名醫曰：一名白善。生邯鄲。采無時。

案說文云：堊，白塗也。中山經云：蔥嶺之山，是多白堊。

冬灰，味辛微溫。主黑子。去脫息肉。疽蝕。疥搔。一名蔡灰。生川澤。

名醫曰：生方谷。

青琅玕，味辛平。主身痒。火創。癰傷。疥搔。死肌。一名石珠。生平澤。

名醫曰：一名青珠。生蜀郡。采無時。

案說文云：琅玕似珠者。古文作瑯。禹貢云：雍州貢瑯珠。琅玕。鄭云：琅玕，珠也。

右玉石。下品九種。舊十二種。粉錫。錫鏡。鼻爲二。戎鹽。大鹽。鹵鹽。爲非。三考當各爲一。

附子，味辛溫。主風寒。欬逆。邪氣。溫中。金創。破癥。堅積。聚血。瘕。寒溼。御覽作瘕。瘕。拘攣。郛痛。不能行步。御覽引云

爲百藥之長。大觀本作黑字。生山谷。

吳普曰：附子一名葇。神農辛。岐伯雷公甘有毒。李氏苦有毒。大溫。或生廣漢。八月采。皮黑肥白。御覽

名醫曰：生樅爲及廣漢。東月采爲附子。春采爲烏頭。御覽

案范子計然云：附子出蜀武都中。白色者善。

烏頭、味辛溫。主中風、惡風、洗洗出汗、除寒溼痺、欬逆上氣、破積聚、寒熱。其汁煎之，名射罔，殺禽獸。一名奚毒。一名卽子。一名烏喙。生山谷。

吳普曰：烏頭一名萇，一名千秋，一名毒公，一名卑負。御覽作果負。一名耿子。神農雷公桐君黃帝甘有毒。正月始生，葉厚莖方，中空，葉四四相當，與蒿相似。

又云：烏喙，神農雷公桐君黃帝有毒。李氏小寒十月采，形如烏頭，有兩歧相合，如烏之喙，名曰烏喙也。所畏惡使，盡與烏頭同。一名則子，一名萇。神農岐伯有大毒。李氏大寒八月采。陰乾，是附子角之大者。畏惡與附子同。御覽大觀本節文

名醫曰：生朗陵。正月二月采。陰乾，長三寸已上爲天雄。

按說文云：則，烏喙也。爾雅云：芑，莖草。郭璞云：卽烏頭也。江東呼爲莖。范子計然云：烏頭出三輔中，白者善。國語云：驪姬置堇于肉。韋昭云：堇，烏頭也。淮南子主術訓云：莫凶于雞毒。高誘云：雞毒，烏頭也。按雞毒卽奚毒。卽子，卽則子側子也。名醫別出側子條，非。

天雄，味辛溫。主大風、寒溼痺、溼節痛、拘攣、緩急、破積聚、邪氣、金創、強筋骨、輕身健行。一名白幕。御覽引云：強志令人武勇力作不倦。大觀本作黑字。生山谷。

名醫曰：生少室。二月采根。陰乾。

案廣雅云：蕪，奚毒。附子也。一歲爲則子，二歲爲烏喙，三歲爲附子，四歲爲烏頭，五歲爲天雄。淮南子繆

稱訓云。天雄烏喙。藥之凶毒也。良醫以活人。

半夏。味辛平。主傷寒寒熱。心下堅。下氣。喉咽腫痛。頭眩胸張。欬逆腸鳴。止汗。一名地文。一名水玉。已上八

本黑 生川谷。

吳普曰。半夏一名和姑。生微邱。或生野中。葉三三相偶。二月始生。白華員上。御覽

名醫曰。一名示姑。生槐里。五月八月采根暴乾。

案月令云。二月半夏生。范子計然云。半夏出三輔。色白者善。列仙傳云。赤松子服水玉以教神農。疑卽

半夏別名。

虎掌。味苦溫。主心痛寒熱。結氣積聚。伏梁傷筋。痿拘緩。利水道。生山谷。

吳普曰。虎掌神農雷公苦無毒。岐伯桐君辛有毒。立秋九月采之。御覽引云。或生太山。或宛朧。

名醫曰。生漢中及宛旬。二月八月采。陰乾。

案廣雅云。虎掌瓜屬也。

鳶尾。味苦平。主蠱毒邪氣。鬼注諸毒。破癥瘕積聚。去水下三蟲。生山谷。

吳普曰。鳶尾治蠱毒。御覽

名醫曰。一名烏園。生九疑山。五月采。

案廣雅云。鳶尾烏蕙。射干也。疑當作鳶尾烏園也。烏 唐本注云。與射干全別。



大黃、味苦寒。主下瘀血，血閉，寒熱，破癥瘕積聚，留飲，宿食，蕩滌腸胃，推陳致新，通利水穀。御覽·此下調  
中化食，安和五臧，生山谷。

吳普曰：大黃一名黃良，一名火參，一名膚如，神農雷公苦有毒，扁鵲苦無毒，李氏小寒，爲中將軍。或生蜀郡北部，或隴西。二月花生，生黃赤葉，四四相當，黃莖高三尺許，三月華黃，五月實黑，三月采根，根有黃汁，切陰乾。御覽

名醫曰：一名黃良，生河西及隴西，二月八月采根，火乾。

案廣雅云：黃良，大黃也。

亭歷舊作亭歷·御覽·味辛寒，主癥瘕積聚，結氣，飲食寒熱，破堅，一名大室，一名大適，生平澤及田野。

名醫曰：一名下歷，一名葦蒿，生葦城，立夏後采實陰乾，得酒良。

案說文云：葦，亭歷也。廣雅云：狗薺，大室，亭歷也。爾雅云：葦，亭歷。郭璞云：實葉皆似芥。淮南子：繆稱訓云：亭歷愈張。西京雜記云：亭歷死於盛夏。

桔梗，味辛微溫，主胸脅痛，如刀刺，腹滿，腸鳴，幽幽，驚恐悸氣。御覽引云·一名利如·大觀本·作黑字·生山谷

吳普曰：桔梗一名符扈，一名白藥，一名利如，一名梗草，一名盧如，神農醫和苦無毒，扁鵲黃帝鹹，岐伯

雷公甘無毒，李氏大寒，葉如薺，莖如筆管，紫赤，二月生。御覽

名醫曰：一名利如，一名房圖，一名白藥，一名梗草，一名薺，生蒿高及宛旬，二八月采根，暴乾。

案說文云。桔。桔梗。藥名。廣雅云。犂如。桔梗也。戰國策云。今求柴胡。及之。罽黍。梁父之陰。則郟車而載耳。桔梗于沮澤。則累世不得一焉。爾雅云。芑。葦。芑。郭璞云。薺。芑。據名醫云。是此別名。下又出薺。芑。條。非。然。陶宏景亦別爲二矣。

芑。蕩子。味苦寒。主齒痛出蟲。因瘳。拘急。使人健行。見鬼。多食令人狂走。久服輕身。走及奔馬。強志益力。通神。一名橫唐。生川谷。

名醫曰。一名行唐。生海濱。及雍州。五月采子。

案廣雅云。蕪。蕪。陶蕪也。陶宏景云。今方家多作狼臙。舊作荇。案說文無荇。蕪字。史記淳于意傳云。菑川。王美人懷子而不乳。飲以蕪。蕪藥一撮。本草圖經引作浪蕪。是。

草蒿。味苦寒。主疥搔。痂瘁。惡創。殺蟲。留熱在骨節間。明目。一名青蒿。一名方潰。生川澤。

名醫曰。生華陰。

案說文云。蒿。蒿也。或作藜。爾雅云。蒿。蒿。郭璞云。今人呼青蒿。香中炙啖者爲蒿。史記司馬相如傳。菴藹。注漢書音義曰。菴。藹。蒿也。陶宏景云。卽今青蒿。

旋復花。味鹹溫。主結氣脅下滿。驚悸。除水。去五疢。開寒熱。補中下氣。一名金沸艸。一名盛棋。生川谷。名醫曰。一名戴棋。生平澤。五月采花。日乾。二十日成。

案說文云。菴。盜庚也。爾雅云。菴。盜庚。郭璞云。旋復似菊。

藜蘆御覽作。味辛寒。主蠱毒。欬逆。洩利。腸辟。頭瘍。疥搔。惡創。殺諸蠱毒。去死肌。一名葱苒。生山谷。

吳普曰：藜蘆一名葱葵。一名豐蘆。一名薰葵。御覽引云：一名山公苒。一名山神農雷公辛有毒。帝有毒。岐伯

鹹有毒。李氏太寒。大毒。扁鵲苦有毒。大寒。葉根小相連。御覽引云：二月采根。

名醫曰：一名葱葵。一名山葱。生太山。三月采根。陰乾。

案廣雅云：藜蘆葱蒨也。范子計然云：藜蘆出河東。黃白者善。爾雅云：蒼山葱。疑非此。

鈎吻御覽作。味辛溫。主金創乳瘻。中惡風。欬逆上氣。水腫。殺鬼注。舊作注。是。御覽。蠱毒。一名野葛。生山谷。

吳普曰：秦鈎吻一名毒根。一名野葛。神農辛。雷公有毒。殺人生南越山。或益州。葉如葛。赤莖。大如箭。方

根黃。或生會稽東冶。正月采。御覽

名醫曰：生傅高山。及會稽東野。

案廣雅云：葇鈎吻也。淮南子說林訓云：蝮蛇螫人。傅以和薑則愈。高誘云：和薑。野葛。毒藥。博物志云：鈎

吻毒。桂心。葱葉。沸解之。陶宏景云：或云鈎吻是毛葇。沈括補筆談云：閩中人呼爲吻葇。亦謂之野葛。嶺

南人謂之胡蔓。俗謂之斷腸草。此草人閒至毒之物。不入藥用。恐本草所出別是一物。非此鈎吻也。

射干。味苦平。主欬逆上氣。喉痹咽痛。不得消息。散急氣。腹中邪逆。食飲大熱。一名烏扇。一名烏蒲。生川谷。

吳普曰：射干一名黃遠也。御覽

名醫曰：一名烏扇。一名烏吹。一名草薑。生南陽田野。三月三日采根。陰乾。

案廣雅云。蔞尾鳥蕙射干也。荀子勸學篇云。西方有木焉。名曰射干。莖長四寸。范子計然云。射干根如

□□安定。

蛇合原注云。合是含字。

味苦微寒。主驚癩寒熱邪氣。除熱。金創。疽痔。鼠瘻。惡創。頭瘍。一名蛇銜。生山谷。

名醫曰。生益州。八月采。陰乾。

按本草圖經云。或云是雀瓢。卽是羅摩之別名。據陸璣云。芄蘭一名羅摩。幽州謂之雀瓢。則卽爾雅

芄蘭也。唐本草別出羅摩條。非。又見女青。

恆山舊作棠山。御覽味苦寒。主傷寒寒熱熱發溫瘧。鬼毒。胸中痰結吐逆。一名互草。生川谷。

吳普曰。恆山一名漆葉。神農岐伯苦。李氏大寒。桐君辛有毒。二月八月采。

名醫曰。生益州及漢中。八月采根。陰乾。

案後漢書華陀傳云。陀授以漆葉青黏散。漆葉屑一斗。青黏十四兩。以是爲率。言久服去三蟲。利五藏。

輕體。使人頭不白。

蜀漆味辛平。主瘧及欬逆寒熱。腹中癥堅痞結。積聚邪氣。蠱毒。鬼注舊作疰。寬作疰。。御生川谷。

吳普曰。蜀漆葉一名恆山。神農岐伯雷公辛有毒。黃帝辛。一經酸。如漆葉藍菁相似。五月采。寬

名醫曰。生江陵山。及蜀漢中常山。苗也。五月采葉。陰乾。

案廣雅云。恆山蜀漆也。范子計然云。蜀漆出蜀郡。

甘遂味苦寒。主大腹疝瘕。腹滿。面目浮腫。留飲宿食。破癥堅積聚。利水穀道。一名主田。生川谷。

吳普曰。甘遂一名主田。一名曰澤。一名重澤。一名鬼醜。一名陵藁。一名甘藁。一名甘澤。神農桐君苦有毒。歧伯雷公有毒。須二月八月采。御覽

名醫曰。一名甘藁。一名陵藁。一名陵澤。一名重澤。生中山。二月采根陰乾。

案廣雅云。陵澤。甘遂也。范子計然云。甘遂出三輔。

白斂味苦平。主癰腫疽創。散結氣。止痛除熱。目中赤。小兒驚癇。溫瘧。女子陰中腫痛。一名兔核。一名白草。生山谷。

名醫曰。一名白根。一名崑崙。生衡山。二月八月采根。暴乾。

案說文云。菘。白菘也。或作菘。毛詩云。菘。蔓于野。陸璣疏云。菘似栝樓。葉盛而細。其子正黑。如燕糞。不可食也。幽人謂之烏服。其莖葉齋以哺牛。除熱。爾雅云。菘。菘。郭璞云。未詳。據玉篇云。菘。白菘也。經云。一名菘核。核與菘聲相近。卽此矣。

青葙子。味苦微寒。主邪氣。皮膚中熱。風搔。身痒。殺三蟲。子名草決明。療唇口青。一名草蒿。一名蕪蒿。生平谷。

名醫曰。生道傍。三月三日采莖葉。陰乾。五月六日采子。

案魏略云。初平中有青牛先生。常服青葙子。葙當作箱字。

藟菌、味鹹平。主心痛。溫中。去長患。白癩。蟻蟲。蛇螫毒。癩瘕。諸蟲。一名藟蘆。生池澤。

名醫曰：生東海及渤海。章武八月采。陰乾。

案爾雅云：漚灌，凶芝。文選注引作菌，聲類云：漚灌，凶芝也。疑卽此灌菌。或一名漚。一名芝。未敢定之。白及御覽作。味苦平。主癰腫。惡創。敗疽。傷陰。死肌。胃中邪氣。賊風。鬼擊。痲緩。不收。一名甘根。一名連及草。

生川谷。

吳普曰：神農苦。黃帝辛。李氏大寒。雷公辛無毒。莖葉似生薑。藜蘆。十月華。直上。紫赤。根白連。二月八月九月采。

名醫曰：生北山及宛旬及越山。

案隋羊公服黃精法云：黃精一名白及。亦爲黃精別名。今名醫別出黃精條。大戟，味苦寒。主蠱毒。十二水腫。滿急痛。積聚。中風。皮膚疼痛。吐逆。一名印鉅。案此無生川澤三字者。古或與澤漆爲一條。

名醫曰：生常山。十二月采。根陰乾。

案爾雅云：蕃，印鉅。郭璞云：今藥草大戟也。淮南子繆稱訓云：大戟去水。

澤漆，味苦微寒。主皮膚熱。大腹。水氣。四肢面目浮腫。丈夫陰氣不足。生川澤。

名醫曰：一名漆莖。大戟苗也。生太山。三月三日。七月七日。采莖葉。陰乾。

案廣雅云：漆莖，澤漆也。

茵芋。味苦溫。主五藏邪氣。心腹寒熱。羸瘦如瘡狀。發作有時。諸關節風溼痹痛。生川谷。

吳普曰。茵芋一名卑共。微溫有毒。狀如莽草。而細軟。御覽

名醫曰。一名莞草。一名卑共。生太山。三月三日采葉。陰乾。

貫衆。味苦微寒。主腹中邪熱氣。諸毒殺三蟲。一名貫節。一名貫渠。一名百頭。御覽作白。一名虎卷。一名扁符。

生山谷。

吳普曰。貫衆一名貫來。一名貫中。一名渠母。一名貫鍾。一名伯片。一名藥藻。一名扁符。一名黃鐘。神農

岐伯苦有毒。桐君扁鵲苦。一經甘有毒。黃帝鹹酸。一經苦無毒。葉黃。兩兩相對莖。黑毛聚生。冬夏不老。

四月花。八月實。黑聚相連。卷旁行生。三月八月采根。五月采藥。御覽

名醫曰。一名伯萍。一名藥藻。此謂草鴟頭。生元山及宛句。少室山。二月八月采根。陰乾。

案說文云。葍草也。廣雅云。貫節。貫衆也。爾雅云。灤。貫衆。郭璞云。葉圓銳。莖毛黑。布地。冬夏不死。一名貫

渠。又上云。扁符。止。郭璞云。未詳。據經云。一名篇符。卽此也。爾雅當云。篇符。止。灤。貫衆。

蕘花。味苦平寒。主傷寒溫瘧。下十二水。破積聚。大堅。癥瘕。蕘滌腸胃中留癖。飲食寒熱邪氣。利水道。生川

谷。

名醫曰。生成陽及河南中牟。六月采花。陰乾。

牙子。味苦寒。主邪氣熱氣。疥搔。惡瘍。創痔。去白蟲。一名狼牙。生川谷。

吳普曰：狼牙一名支蘭，一名狼齒，一名犬牙，一名抱子。神農黃帝苦有毒，桐君或鹹，岐伯雷公扁鵲苦無毒。生宛句，葉青根黃赤。六月七月華，八月實黑。正月八月采根。御覽

名醫曰：一名狼齒，一名狼子，一名犬牙。生淮南及宛句。八月采根，暴乾。

案范子計然云：狼牙出三輔，色白者善。

羊躑躅，味辛溫。主賊風在皮膚中，淫淫痛，溫瘡，惡毒，諸癰。生川谷。

吳普曰：羊躑躅花，神農雷公辛有毒。生淮南，治賊風惡毒諸邪氣。御覽

名醫曰：一名玉支，生太行山及淮南山，三月采花，陰乾。

案廣雅云：羊躑躅，英光也。古今注云：羊躑躅花，黃羊食之則死，羊見之則躑躅分散，故名羊躑躅。陶宏景云：花苗似鹿葱。

商陸，味辛平。主水腫，疔瘕，癰，除癰腫，殺鬼精物。一名易根，一名夜呼。生川谷。

名醫曰：如人形者有神，生咸陽。

案說文：蔞草，枝枝相值，葉葉相當。廣雅云：常蔞，馬尾。蔞陸也。爾雅云：蓬，蔞馬尾。郭璞云：今關西亦呼爲蔞。

蔞，江東爲蔞陸。周易夬云：蔞陸夬夬。鄭元云：蔞陸，商陸也。蓋蔞卽蔞俗字。商卽蔞假音。

羊蹄，味苦寒。主頭禿疥搔，除熱。女子陰蝕。御覽此四字作無字一名東方宿，一名連蟲陸，一名鬼目。生川澤。

名醫曰：名蓋，生陳留。



案說文云。葷草也。讀若釐。釐草也。芟。葷草也。廣雅云。葷羊蹄也。毛詩云。言采其蕞。箋云。蕞。牛糞也。陸德明云。本又作蓄。陸璣云。今人謂之羊蹄。陶宏景云。今人呼秃菜。卽是蓄。晉之譌。詩云。言采其蓄。案陸英疑卽此草之花。此草一名連蟲。陸又陸英卽葫蘆。一名葷也。亦苦寒。

蕭蓄。味辛平。主淺淫。疥搔。疽痔。殺三蟲。御覽引云。一名蕭。竹。大觀本無文。生山谷。

吳普曰。蕭蓄一名蓄辯。一名蕭蔓。御覽

名醫曰。生東萊。五月采。陰乾。

案說文云。蕭。蕭莢也。莢。蕭莢也。蕭水蕭。蕭。讀若督。爾雅云。竹蕭。蕭。郭璞云。似小藜。赤莖節。好生道旁。可食。又殺蟲。毛詩云。綠竹猗猗。傳云。竹。蕭竹也。韓詩。蕭云。蕭。蕭莢也。石經同。

狼毒。味辛平。主欬逆上氣。破積聚。飲食寒熱。水氣惡創。鼠癩。疽蝕。鬼精。蠱毒。殺飛鳥走獸。一名續毒。生山谷。

名醫曰。生秦亭及奉高。二月八月采根。陰乾。

案廣雅云。狼毒也。疑上脫續毒二字。中山經云。大隗之山有草焉。其狀如蓍而毛。苒華而白實。其名曰蕨。服之不夭。可以爲腹病。

白頭翁。味苦溫。主溫瘡。狂易寒熱。癥瘕積聚。癭氣。逐血。止痛。療金瘡。一名野丈人。一名胡王使者。生山谷。吳普曰。白頭翁。一名野丈人。一名奈河草。神農扁鵲苦無毒。生嵩山川谷。破氣狂寒熱。止痛。御覽